



ანგელოზი მივლინება ღმერთის სველაზე ბაბილ დროს

№ 19 თბილისი ოპერა 1959



მეგობრული შარჟი № 02




ამ დღეებში ქ. გურჯაანში მოეწყო სიმინდის რაი-
ონული გამოფენა. გამოფენის საპატიო სტუმართა
შორის იყო პოეტი ირაკლი აბაშიძე, რომელზედაც
განსაკუთრებით დიდი შთაბეჭდილება მოახდინა
ბაკურციხელ კოლმეურნეთა მიერ მოყვანილი სიმინ-
დის ცოცხალმა ექსპონატებმა.

ეს რა სიმინდი ჰქონიათ,
პურის ზოგჯერ კახლუშს,
მათი ჯართ და სიმალე
ათღებს ზოგჯერ მზახულს.

ამ ცოტა ხნის წინათ ტექნიკურ სამყა-
როს შემატა კიდევ ერთი მანქანა—«თხილ-
სამტრევეი» № 02, რომელიც აადვილებს
ადამიანის შრომას. კერძოდ, ერთი ადამი-
ანის მიერ კუსტარული წესით თხილის
მტრევე შეიძლება შესცვალოს სამა-ოთხმა
მანქანამ. აქვე ვაქვეყნებთ ამ მანქანის მოწ-
ყობილობას და მისი ხმარების წესებს.

აღწერილობა

1. მანქანის ზედა ნაწილი წარმოადგენს
სამოცდაათი სანტიმეტრი სიმაღლის, სა-
მოცდაათი სანტიმეტრი სიგანისა და ნახევარ-
ი მეტრი სიფართის რკინის მასას, ზედა
ნაწილს ეწოდება «ზედა ყბა». (სურ. A).



2. «ზედა ყბას» აქვს სპეციალური ამწე-
ბი, რომელსაც ეწოდება «ამწე-დამწე», რის
საშუალებითაც «ზედა ყბა» ძლიერად ეცე-
მა «ქვედა ყბას».

3. «ქვედა ყბა» წარმოადგენს ერთი მეტ-
რის სიმაღლის, ნახევარი მეტრი სიგანის და
ოცდაათი სანტიმეტრი სიფართის რკინის მა-
სას, რომლის შუაგულში არის სპეციალური
ღრუ, სადაც თავსდება თხილი დასამუშა-
ვებლად.

4. მანქანის უკანა ნაწილში მოთავსებუ-
ლია ავტომატი, რის საშუალებითაც მანქა-
ნა მოდის მოძრაობაში.

ხმარების წესი

1. უნდა აიღოთ თხილი და დააგროვოთ
მანქანის მარჯვენა მხარეს.

2. დააჭიროთ ლილასი (1), რომელიც «ზედა
ყბას» აწევს ზევით, რის შემდეგ სწრაფად
და ფრთხილად უნდა ჩასდეთ თხილი ღრუ-



ში (სწრაფად და ფრთხილად იმიტომ,
რომ მოსალოდნელია ჩამოვარდეს «ზედა
ყბა» და გამოიწვიოს უბედური შემთხვევა).

3. შემდეგ კვლავ დააჭიროთ ლილასი
თითი, «ზედა ყბა» დაეცემა «ქვედა ყბას»
და თხილს დაამტრევს.

4. ამის შემდეგ განმეორდეს იგივე მოძ-
რაობა, როგორც მეორე პუნქტშია აღნიშ-
ნული, მხოლოდ იმ განსხვავებით, რომ მან-
ქანიდან წინასწარ გამოღებული იქნას გა-
ტეხილი თხილი.

ვინაიდან მანქანა ახალია და ჯერ კიდევ
ბევრი ნაკლი აქვს, ამიტომ ხშირად წვეტს
მუშაობას, მაგრამ ამ ახალი მანქანის და-
ღებით მხარე სწორედ ისაა, რომ, მაშინაც
კი, როდესაც მანქანა არ მუშაობს, მაინც
იქნას გამოყენებული ამ სამუშაოს შესას-
რულებლად.

«თხილსამტრევეი» № 02 -ის გამოყენება
მისი გაჩერების შემდეგ:

1. აიღეთ თხილი და დაყარეთ მანქანის
«ზედა ყბის» ზედა ნაწილზე (სურ. 2; C).

2. აიღეთ ხელში ქვა ან სხვა რომელიმე
მყარი საგანი და აწიეთ ზევით. ისე, რომ
მკლავი იდაყვთან ოდნავ მოხაროთ.

3. ამის შემდეგ დაუშვით პირდაპირ
თხილს ისეთი ძალით, რომ თხილის გული
არ გაფუჭდეს. (სხვათა შორის ამ ზომიერე-



ბის დაცვას ჯერ კიდევ ვერ ახერხებს მან-
ქანა და თხილის 90%-ს აფუჭებს).

4. თუ ვინცოვანა არ აღმოგჩნდათ ოჯახ-
ში ქვა ან სხვა მყარი საგანი. იმოქმედეთ
შემდეგნაირად:

1. დაცილდით მანქანას ერთი ორი ნაბი-
ჯით და დაიყარეთ წინ თხილი.

2. ჩამოსწიეთ საკუთარი ქვედა ყბა და
ჩაიდეთ თხილი ჯანსაღ კბილებს შორის
(იხ. სურ. 3).

3. ამის შემდეგ აწიეთ ქვედა ყბა და
გატეხეთ თხილი. (აღსანიშნავია, რომ ასე-
თი წესით თხილის დამტრევეა მოითხოვს
ცოტა დროსა და გაცილებით იაფი ჯდება).

ამხანაგებო. ისარგებლეთ ახალი «თხილ-
სამტრევეი № 02 მანქანით!

კონსტრუქტორი კირაკობაძე

პიროვნების ვინაობისა და პროფესიის დადგენის ყველაზე მარტივი და უტყუარი საშუალება მისი პირადობის მოწმობა ან პასპორტია. მაგრამ ცხოვრებაში არის შემთხვევა, როცა პიროვნებას არც ერთი გააჩნია. არც მეორე. ასეთ შემთხვევაში არსებობს კიდევ ერთი საშუალება. კერძოდ, პიროვნების უბის წიგნაკი. ეს შედარებით რთული გზაა, მაგრამ უბის წიგნაკში შეტანილი სამახსოვრო ჩანაწერების მიხედვით გონიერ მკვლევარს შეუძლია დაადგინოს ამა თუ იმ პიროვნების ვინაობა ან პროფესია!

მე მრავალგზის გამოკეთებია ასე, მაგრამ დღეს ნაპოვნმა უბის წიგნაკმა სულ ამირია გზა-კვალი და მისი პატრონი, როგორც დიდი შავი კითხვის ნიშანი, დაჯდა ჩემი საწერი მაგიდის მოპირდაპირე მხარეს.

ვაქვეყნებ უცხოების უბის წიგნაკს იმ იმედით, რომ იქნებ მკითხველმა მაინც მიპასუხოს ამ რთულ კითხვაზე—ვინ არის ეს კაცი?

„... მზე ისე ნელ-ნელა ჩადიოდა, გეგონებოდა ამოდისო“.

(შედარება რომანისათვის)

„... მიმიფურთხებია მე. ისეთი ჯარისკაცებისათვის, გენერალზე რომ არ უჭირავთ თვალი“.

(ნაპოლეონი, დიმიტრი თამაღის სადღეგრძელოდან!).

შველისყურა—„რასაცა გასცემ შენია, რაც არა, დაკარგულია“.

(ფლირტიდან. გამოვიყენებ)..

ერთი კილო პამიდორი 3 მან.

ატამიურთი კილო და ერთი ცალი 6 მან. პერიცა, პეტრუშკა 50 კაპ.

სულ 9 მანეთი და 50 კაპ.

— ოპო?! გაუკვირდა ლილის.

— კმ! ჩაიცინა თენგიზმა ირონიულად. (გამოვიყენებ ახალ პიესაში ლილისა და თენგიზის დიალოგისათვის).

— ეს ზღარბი წაბლს არ ჰგავს? (იქვე. შედარება.)

სამტრედლიდან ავტობუსი კულაშში გადის 11 საათზე. პაკრიშკა 1000 მანეთი 3-34 66. არ დამავიწყდეს ჰონორარზე დარეკვა.

9/IV-59 წ. არ დამავიწყდეს გაზეთისათვის ლექსის დაწერა.

რიითები | აისი გუგუნი
| მაისი-უკუნი
| ალამი ხუხულა
| სალამი-გადიგრუხუნა

პაღმოდტკა-ნაბოიკა შეიდი თუმანი (70 მან.).

აბანო—1 მ.80 კაპ.

პროსტინა 3 მან.

მექისე 5 მან.

სულ 79 მანეთი და 80 კაპ.

„... როდესაც ღმერთი სამოსახლო მიწებს არიგებდა, მაშინ ქართველები ქეიფობდნენ. რომ მივიდნენ, ღმერთს მიწები უკვე განაწილებული ჰქონდა, ქართველებმა მალარიჩი იკისრეს. მაშინ ღმერთმა უთხრა ანგელოსს—წადი, ჩემი მიწა მიუზომე, ყველაზე კარგი ადგილიო. და აი ეს ჩვენი მიწა, ახლა რომ ვზივართ და პურსა ვჭამთ, ღმერთის მოცემულია. მაშ გაუმარჯოს ჩვენს პატარა, მაგრამ ლამაზს, კობტას, ყველასათვის...“

(საქართველოს სადღეგრძელო).

ექსპრომტი: ისეთმა ფურმა დამწიხლოს, რომ იწველიდეს ჩემზე მეტს. ისე დაგათრობ, თამადავ, რომ მე დავასხამ თავზე რეტს.

(ნაზიკოს დაბადების დღეზე რომ ვთქვი).

წყლის ქირა—3 მან.

სინათლის ფული—50 კაპ.

ჯარიმა ჟულიკისათვის—100 მან.

სულ 103 მანეთი და 50 კაპ.

„კაცი კაცისთვის მგელია“.

„ქეშმარიტი სიყვარული არ არსებობს“.

„ცოლქმრობა დაუსრულებელი კომედიაა“.

(ჩემია).

რაფინირებული (ვარ, ან არის).

ლირიული { საზოგადოებაში სახმა-
ესთეტიკა { რი უცხო სიტყვები
ინტელექტი
უტერპრეტაცია }

რაფინატ—შაქარი { რუსულ-ქართული
იკანიე—სლოკინი { ლექსიკონიდან }

მაჯამა საზამთრო—ბუ, ხარი

საზამთრო—ბუხარი

არ წივი—ხარ ხარი


არწივი—ხარხარი

აქ მთავრდება ამ საინტერესო პიროვნების უბის წიგნაკი მისი სიმცირის გამო. ვინ იცის, ალბათ ახლა მას ახალი წიგნაკი უდევს მუხლზე და გამალეობით იწერს შიგ ახალ-ახალ შთაბეჭდილებებსა და ჩანაწერებს. ნეტავი მაცოდინა, ვინ არის იგი და რითი სუნთქავს ახლა, ამ წუთში.

ჯვიაგი ღუმავა

ქანაღისვის ოჯახში

ნახ. ზ. წერეთლისა



— მზია, გამოდი აქეთ, ხელი არ შეუშალო მამიკოს მუშაობაში, ხომ ხედავ ნარკვევის სიუჟეტზე ფიქრობს!

— დედიკო, წამოწოლას კვია მუშაობა?!

ՆԵՌԿՉՆԵՐՈՒ ԲՈՒՅՑՄԵՆՈՒ

[illegible]

4

ჩაყ დროს გადიოდა, ზეწინ უფროდობდა უფრო მეტი
დებოდა, ხოლო არა მფიქრის დღეს ნათლად წყაბრბობდა
ღმრთაბრბობის უფროდობის საბოლოოდ გაწვევების წყ
სახებ.

მე ამ დროს კონსტანტინის მიხედვით ხელდან თვდებ
და კრუცინი უწდა გაწვევად. მაგრამ, საბედნიეროდ
ხელში არც ერთი გაწვევა დღე არც მეტი.

ზეწინ კრუცინის საბოლოოდ დაწმინდების გაწვევები
წ. როცა კრუცინი უფროდობდა და მაგრამ მივინი დღე
იქნის საბოლოოდ ღმრთაბრბობის პროსპექტზე გამკვეთილი
ე.ნ. მაგრამ, დროს კონსტანტინის მიხედვით სიყვარული
წინა დაწმინდული.

დიდი პატარა



— თუ შეიძლება, ისეთი ატამი ზმუიდეთ, ვიტრინაში რომ გაქვს!
— ეგეთი, ქალბატონო, მხოლოდ ვიტრინისათვის მოაქვს!

ნაწ. ნ. შალვაშვილის

საბადლონი
 მ ზრდოლ ქალაქში ღვდის უშინდოღ.
 მასჲ უღიბნი. უღარცელთა.
 მასოქმუნი და სარდალუშნი
 მისნი სარჯარ მუღრის" აზადელუიას".
 ილია ზოზმარია

სპალ-დედაგთილიანი

— როცა მოგვლები ძაღლი უნდა ჰაზარდო ქაღალდისათვის, ძაღლი! — უთხრა ავმა ჩაბაძაძეს.
— ქაღალდი თქვენ უნდა ჰაზარდო და უნდა ძაღლი დაიკალით და თუნდა კატა, — უპასუხა დედამთილმა.

მ. მარტაშვილი

306 ရှု တံၤဒဲၤ

პირიორაზმა თუქ-ტყუარაი ქი დუდენი უბრა-შე მავარა მისი წყურვერა რანჷრ.
დარბანდუდელა პირანა თუქა-რუსიქ სარგანდუქ გირბარა დუდენა. შუა მის უძედეკო
სიპირაში იტუა-ტყუარაი გემდელ შიშა ზოტა, დუდენიწიქს სულ სიყოფილე გუქუდესო.
დუდენი თუქა-ტყუარაი წიგნის, იგუგორა ზოტა ბული მისიდურა დე წყალს ზე მასხანდესო.
წიგნისა თუქა-ტყუარაი ნაბაქიანა ზოტა, სიდეჟი ქი გუგურენი, დე ელიონა არა ილუდუკა.
დუდენიპირაში თუქა-შუბაღილეს ზოტა თვალისი მიურეზენს, მავარა მავარანი მიურეზენს.

შეადგინა სეზონი



— ქალბატონო, ჩატომ მიყვირით! ხურდა თუ არა გაქვთ, ხომ ხედავთ, გელოდებით!

— სწორედ შიტომ ვიყვირით, რომ მელოდებით, რომ წახულიყავით. ხმასაც არ ამოვიღებდი.

3. ჯიჯეიზვილი



სილისმფაშებლები ჭირის უფალთა

საქართველო
ბიზნესი

ვინ მოთვლის რამდენი განცხადება და წერილი დაუწერია ვასილ ალექსანდრეს-ძე ლომსაძეს თავისი «მოღვაწეობის» მანძილზე. უმაღლესი იურიდიული განათლების მიღების შემდეგ, ის გორს მოვედინა. აქ დაიწყო პირველად მისი, როგორც იურისტის, კარიერა და აქვე დამთავრდა კიდეც. ერთ დროს ლომსაძე გორის რაიონის პროკურორის მოადგილედაც მუშაობდა, მაგრამ 1948 წელს მოხსნეს და შემდეგში საბჭოთა კანონიერების ამ დამცველს, ბრალდებულის არასასარბილო როლის შესრულებაც მოუხდა სასამართლოში.

მაღე ლომსაძემ საფინანსო საკითხებით დაინტერესება გამოიჩინა და ფინანსთა სამინისტროს რევიზორ-კონტროლიორად მოვედინა გორს. 1954 წლის დეკემბერში ის განთავისუფლებული იქნა ამ სამუშაოდან, მაგრამ, ალბათ იმის გამო, რომ ფინანსთა სამინისტროს მუშაკებმა თბილისში ვერსად აღმოაჩინეს ლომსაძისთანა ფინანსისტი, ისევ ვასილ ალექსანდრეს-ძე მოიწვიეს გორიდან და, როგორც წესი, გადმოსაყვანი თანხაც მისცეს. ამასთან ერთად, იმის გამო, რომ «ამ შეუცვლელ სპეციალისტს» ორი სახლის მეტი არ აღმოაჩნდა გორში, სამინისტრომ დახმარება აღმოუჩინა და ერთი ოთახი თბილისშიც მისცა.

ვასილ ლომსაძემ მუშაობა დაიწყო სამინისტროში მრავლისმეტყველი ტიტულით—საკონტროლო-სარევიზო სამმართველოს კონტროლიორ-რევიზორი. გორის საქალაქო საბჭოს აღმასკომის მუშაკებმა, როგორც ჩანს, სათანადო პატივისცემა ვერ გამოიჩინეს ამ რესპუბლიკური მასშტაბის მუშაკისადმი და მეფის ტოლად კაცს იმაზე შეედავენ, ახალი სახლის მშენებლობის დროს დამტკიცებული პროექტი უხეშად რატომ დაარღვიო. შემდეგ კი მოინდომეს მისთვისაც ჩვეულებრივ მოკვდავთა მსგავსად მიეზომათ სამოსახლო მიწა.

აქედან დაიწყო ვასილ ალექსანდროვიჩის განრისხება.

— მე თქვენ გასწავლით, როგორ უნდა ღვაწლმოსილი მუშაკის დაფასებო, — თქვა ლომსაძემ და შეუდგა ცილისმწამებლური წერილების წერას. წერა და წერა განცხადებები ზემდგომ ორგანოებში.

ერთი წუთითაც არ გაუგდია ხელიდან თავისი საბრძოლო იარაღი—ავტოკალმისტარი. ამასთან ერთად, ის დაუკავშირდა სხვა განაწყენებულ პირებს—გ. ფანჩიძეს, რ. მიქელაძეს და გ. ჩუტკერაშვილს. ვარდენ ფანჩიძე, როგორც სუსტი მუშაკი, გასული წლის იანვარში გაათავისუფლეს გორის საქალაქო საბჭოს სოციალური უზრუნველყოფის განყოფილების გამგის თანამდებობიდან და ახლა ცდილობს შური იძიოს მისი, როგორც საუკეთესო მუშაკის შეუფასებლობისათვის.

კვარტეტმა სასწრაფოდ დაიწყო მუშაობა, არა მუსიკალური ნაწარმოების შესასწავლად, არამედ ცილისმწამებლური მასალების შესაგროვებლად. ცოცხლებთან რომ ვერაფერი მოხატეს, მიცვალებულებს მიაკითხეს საიქიოში. ყურადღება შეაჩერეს 1902 წელს გარდაცვლილ ექიმ სააკოვზე. არამკითხე ჭირისუფლები, რომლებსაც თავიანთი წინაპრების საფლავი არ მოუძებნიათ, დიდი გულმოდ-

გინებით შეუდგნენ სააკოვის საფლავის ქვის ძებნას.

გასული წლის 14 სექტემბერს სისხამ დილით გორიდან გავიდა გ. ჩუტკერაშვილის კერძო ავტომანქანა, რომელშიც ისხდნენ სასწრაფოდ შედგენილი «არქეოლოგიური ექსპედიციის» სხვა წევრებიც—ლომსაძე, ფანჩიძე, მიქელაძე. მანქანამ 80 კილომეტრზე მეტი მანძილი გაიარა და გაჩერდა ბორჯომის რაიონის სოფელ დაბაში. «ექსპედიციის» წევრებმა სასაფლაოს მიაშურეს და ფრიად საიდუმლოდ (როგორც თვითონ წერენ): შეუდგნენ მის დათვალიერებას.

რამ აიძულა ექსპედიციის წევრები სააკოვის საფლავის ქვა მაიც და მაინც გორიდან 80 კილომეტრის დაშორებით სოფელ დაბის სასაფლაოზე ეძებნათ? ამაზე მათ მიერ შედგენილი აქტი გვაძლევს პასუხს (სამართლიანობა მოითხოვს ითქვას, რომ აქტი, თუ მხედველობაში არ მივიღებთ ზოგიერთ გრამატიკულ შეცდომას, მეტად გამართულად არის დაწერილი, რაც ლომსაძის დამსახურებად უნდა ჩაითვალოს).

აქტის შესავალ ნაწილში ლაპარაკია იმ ჰუმანიზმსა და საკაცობრიო იდეალებზე, რომლებმაც

ნაზ. დონისა



— წნევა მაქვს იმაზე და სარდაფებში კი დაძვრები!

— ექიმებმა მირჩიეს დაბალი ადგილის ჰაერი მოგიხდებო!

აიძულა ექსპედიციის წევრები, არაფრად ჩათვალათ თავიანთი შრომა და დრო სიმართლის დასადგენად. ამ ისტორიული დოკუმენტის მეორე ნაწილში აღწერილია გორის საქალაქო საბჭოს აღმასკომის ერთ-ერთი პასუხისმგებელი მუშაკის სიდედრის საფლავი და იქვე არაორაზროვნად არის ნათქვამი, რომ მის მახლობლად 9—10 მეტრის დაშორებით დევს სააკოვის საფლავის ქვა. დასკვნა ნათელია. თუ ქვამ გორიდან 80 კილომეტრი გამოიარა, 9—10 მეტრსაც ადვილად გაივლის და იმ პასუხისმგებელი მუშაკის სიდედრის საფლავზე ადვილად აღმოჩნდება.

აღსანიშნავია, რომ აქტის ავტორებს მოცემული აქვთ მათ მიერ «აღმოჩენილი» საფლავის ქვის დაწვრილებითი აღწერა. აქტში ვკითხულობთ: «საერთო სიგრძე უდრის 1 მეტრსა და 35 სანტიმეტრს, ხოლო მისი ფუძის სიგრძე-სიგანე შესაბამისად არის 45—55 სანტიმეტრი, ძეგლის თავი კი 30 სანტიმეტრი (იხილეთ თანდართული სქემა)». მართლაც, თან ერთვის ამ საშვილიშვილო დოკუმენტს ქვის სქემა.

ცილისმწამებლები სრულიადაც არ დაინტერესებულან სიმართლის გამორკვევით, თორემ საკმარისი იყო სოფელ დაბის მცხოვრებლებისათვის ეკითხათ და ისინი ეტყოდნენ, რომ მათ მიერ «აღმოჩენილი» ძეგლი ნიკოლოზ მურჯიკელის მიერ 1938 წელს დის საფლავზე დაღებული ქვაა და სხვა არაფერი.

მაგრამ მათ ხომ სიმართლე არ ესაჭიროებოდათ და არქეოლოგიური «გამორკვევის» დამთავრებისთანავე ზემდგომ ორგანოებში აფრინეს განცხადება საგანგებოდ შედგენილ აქტთან ერთად.

რამდენი მუშაკის სამუშაო დრო დასჭირდა ამ უსირცხვილოდ შედგენილი ცილისწამების გამორკვევას.

საჭირო გახდა ერთი არქეოლოგიური გათხრა გორშიც ჩატარებინათ დარჯანაის სახლის საძირკვლის შესამოწმებლად. გათხრა დაიწყო თუ არა, მაღე გამოჩნდა შავი მარმარილო წარწერით: «Доктор Иосиф Георгиевич Саков родился 11 апреля 1825 года, скончался 3 сентября 1902 года».

ამ წარწერის დანახვით შუბლზე ჭირის ოფლი გადასცა არამკითხე ჭირისუფალს, იქ დამსწრე გ. ფანჩიძეს და ღრმად დამწუხრებულმა დაბლა დახარა თავი სააკოვის საფლავის ქვის წინაშე.

ზემდგომმა ორგანოებმა გაარჩიეს თავგასულ ცილისმწამებელთა საქმე და სათანადოდ დასაჯეს ისინი. თუმცა ამბობენ, ზოგიერთი მათგანი ჯერ კიდევ არ ყრის იარაღს და გაიძახის:

— თუ საფლავის ქვიდან არაფერი გამოგვივიდა, ახლა ისეთ განცხადებას დავწერთ, რომ ქვას ქვაზე არ დავტოვებთ!

ერთი რამ ცხადია. ცილისმწამებლებს უკვე ჩამოგლიჯეს ნიღაბი და ახლა ტყუილად ფიქრობენ თავის მოტყუებას, რომ ვინმე მოატყუონ.

ნ. ნუჟარიძე

გზაუბარი სოლი

მალინოვსკაია ქმრის ხასიათის სუსტ მხარეებს დარაჯობს. ქმარი არ სვამს, არ ჭამს, მალინოვსკაია კი კბილებს ახრჭილებს... დარაჯობს.

— ერთ ჭიქა ღვინოსაც კი ვერ იტანს.—ამბობს მალინოვსკაია.— მეორე ჭიქაზე ზონიფასს ბგერები ერთმანეთში ერევა. მესამეზე ლულულეს, მეხუთეზე ბოდავს, მესამე და მეხუთეს შორის კი განსაკუთრებით უნდა ვადევნო თვალი.

საზოგადოებაში მალინოვსკაია არასოდეს არ იცინის.

— ხუმრობის, მით უმეტეს, სიცილის დრო სად მაქვს!—ამბობს იგი.— ბონიფასი მეტად ხმაშალდა იცინის პოლიტიკური ანეგდოტის მოსმენისას; ამ დროს ფეხი ფეხზე უნდა დავადგა. უყვარს ხარხარი, როცა ქარაგმულად ნასროლ ერეტიკულ სიტყვას ყურს მოკრავს: ასეთ დროს კი შეუმჩნევლად ვჩხვლავთ საპეციალურად საამისოდ მომზადებული ტინძისთავით. უყვარს ძველებური ნაკვეთების გახსენება: ასეთ შემთხვევებისას ვსიმულანტობ, ვითომ ასტმა მაქვს და ამით ვამუხრუჭებ მას. ეს მომქანცველია, მაგრამ რას იზამ! სახეგაცრეცილი მწირის მსგავსად მაღლობის უთქმელად ჩრდილში ვიღწვი.

ვისთანაც არ უნდა მიიბატიჟონ, მალინოვსკაია არასოდეს არ ჭამს.

— ლუკმის აღება არ შემიძლია.—ამბობს იგი.— ბონიფასი წვნიანს ხვრებავს, ბოსტნეულს თქლავავს, დესერტს სვლავავს. ასე ვადევნებ თვალს მის ყოველ ლუკმას. ღრმად და დაკვირვებით ჩავცქერო თვალეში, ფეხსაცმლის წვერს კოჭში წავკრავ ხოლმე. ზოგჯერ კოლოფს გავხსნი და თევზზე ფერუმარის დავუყრი. გარდა ამისა, კაბის ნაოჭში ოსტატურად მაქვს დამალული სადგისი და მით მოულოდნელად მუხლზე ვჩხვლავ.

— ქმარი.—ამბობს მალინოვსკაია.— არ წარმოადგენს მარტოღონ ლაგამიშვებულ ვენებათა ქროლვას, ანუ ავტორიტეტით ავსებულ საწყაოს. იგი, აგრეთვე, არის საყვარელი ბავშვი, რომელსაც მზრუნველობა და ყოველ წუთს დაცვა ესაჭიროება. მე ვზრუნავ ჩემს ქმარზე, ყოველდღე ვუმზადებ საყვარელ საძმელს და სასმელებს. მუდმივ თვალყურს ყოველ ზედმეტ ქესტს წარბის ერთი შებრით ვაკავებ.

... უცნაურად ეწყობა ცხოვრება.

მალინოვსკიმ კინაღამ ჩალის კონახზე დაწვა მალინოვსკაია და მცდელობისათვის ხუთი წლით ჩასვეს. მალინოვსკაია პროცესზე ამტკიცებდა, რომ ეს მოხდა მისი მოულოდნელი დაბნეულობის გამო.

მან წარბის შეხრა ვერ მოასწრო.



— კოვალსკი, რა ჰქვია ამ პლანეტას?
— ჰულა ჰუპ, პატივცემული მასწავლებელი.

შეცდომა

— ხომ არ იცით, ვინ არის ეს მახინჯი ქალი ნაცრისფერ პალტოში?
— ჩემი მეუღლე.
— დიდ ბოდიშს ვიხდი, გამოუსწორებელი შეცდომა მომივიდა...
— ნუ სწუხდებით, ეს მე მომივიდა გამოუსწორებელი შეცდომა.

რთული სიტუაცია

— როგორ არ გრცხვენია, — ეუბნება კოვალსკი თავის მეგობარს, — შენს ცოლს ორი საყვარელი ჰყავს და ყურსაც არ იბერტყავ!
— რა ვქნა, ძმაო, ისინი სამნი არიან. მე—ერთი.

თარგმანი ხ. რაპინისა

ვადევნებ, ვდარაჯობ, მოუფიქრებლად ნასროლ სიტყვებს უკანვე პირში ვჩრი და მის

იანუზ ოსენა



იარაღის დამამზადებელ ფაბრიკანტს სრულიად ახალი და განსაკუთრებული ყუმბარის პროექტი მივუტანე.

— რამდენ კაცს კლავს თქვენი გამოგონება? — მკითხა ფაბრიკანტმა, როგორც საქმის მცოდნე.

— ათ მილიონს.

იარაღის ფაბრიკანტმა კმაყოფილებით გაილოკა ტუჩები, მაგრამ თავშეკავება აირჩია და თქვა:

— კმ! ციფრს, მგონი, არა უშავს რა. მაგრამ, კარგი იქნება, თუ ცოტას კიდევ წაიშუშავებთ, ყმაწვილო კაცო.

ფაბრიკანტმა იცოდა, როგორ ემოქმედა ჩემს თავმოყვარეობაზე და მეც მალე მივართვი გაუმჯობესებული პროექტი.

— ჩემი ყუმბარა ახლა ნახევარ მილიარდ კაცს კლავს.—მოვახსენე მე.

ამ ცნობას ფაბრიკანტი კმაყოფილებით შეხვდა, მაგრამ აშკარად შექებას მაინც მოერიდა, რათა დაფნის გვრგვინი უცებ არ დამედგა თავზე.

— ეს მძიმე სამუშაოს დასაწყისია და ხალისი ნუ დაგეკარგებათ.—მითხრა მან.

ზარმაცი არასოდეს ვყოფილვარ. მალე ჩემს ყუმბარას ისეთი ძალა მიეცა, რომ ერთ მილიარდ კაცს ნამცეცა ფერულად აქცევდა. ამჯერად ფაბრიკანტმა ღირსი გამხადა და ხელი ჩამომართვა.

— ესეც ასე... ეს უკვე რაღაცას ნიშნავს. თქვენ დიდი მომავალი გელით, ყმაწვილო!

წარმატებით თავბრუდახვეულმა მკლავები დავიკარწახე და საქმეს უფრო სერიოზულად მოვიკიდე ხელი. რამდენიმე დღის შემდეგ ლოყებდაწითლებული და სუნთქვაშეკრული შევიჭერ იარაღთა მეფის კაბინეტში.

— მილიარდნახევარი! — შევძახე ტრიუმფალურად.

ფაბრიკანტი სიამოვნებისაგან აკრუტუნდა.

— აი, რას ნიშნავს დაულალავად მიისწრაფვოდე იდეალისაკენ! — მეუბნებოდა იგი მამობრივი მზრუნველობით. — რაგინდ სრულყოფილიც იყოს საგანი, მის შემდგომ გაუმჯობესებას ადამიანის გონება მუდამ შესძლებს.

ამ სიტყვების გავლენის ქვეშ მყოფს, მუდმივი გაუმჯობესების არნახული სურვილი დამეუფლა. ორმილიარდინი ყუმბარა, ხომ მზად მქონდა, მაინც ხალისით ჩამოვირბინე კიბეები და დაუზარებლად დავუმატე კიდევ ნახევარი მილიარდი. რაღაც შინა-

განი ხმა მამცნობდა, რომ იდეალს ვუახლოვდებოდი.

მთლად გაჭარხლებული ფაბრიკანტი ყელში მოხვეწილ სიხარულს ვერ ფარავდა.

— ორნახევარი მილიარდი... ორნახევარი მილიარდი... — იმეორებდა იგი და, ვერ იქნა და ვერ დაიოკა ამ შედეგით გამოწვეული სიხარული. კიდევ კარგა ხანი იხარა ასე. უცებ დაფიქრდა და მკითხა:

— კარგი და, რამდენი მილიარდი ადამიანი ცხოვრობს დედამიწაზე?

— ორნახევარი მილიარდი,

— მერე, ამ ციფრში მეც შევდივარ?

— მმმ... ასე ვთქვათ, მგონი, კი... — ვუპასუხე მე ოდნავ შეცბუნებულმა.

ერთ წუთს იგი თითქმის ძალას იკრევდა, და უცებ საშინელი ხმით იღრიალა: თავში იხალე ასეთი ყუმბარა! — და კარს უკან გამომაპანდურა.

— ძნელია აამო ადამიანს! — ამ სიტყვებით ვინუგეშებდი თავს, როცა კიბეებზე დაგორებული ძირს მივფრინავდი.

ეს კიდევ არაფერი, მალე სასამართლოს წინაშე წარსვდები. რადგან ფაბრიკანტის მოკლად განვიზრახე.

მოთხრობები თარგმანა კარამენ მლინეჰა

რედაქტორი — ნიკო შველიძე.

სარედაქციო კოლეგია: აკ. ბელიაშვილი, ნ. დუმბაძე,

ს. კლდიაშვილი, ნ. მალაზონია, მ. ქარჩავა, თ. ჭელიძე.

საქ. კ. ცენტრალური კომიტეტის გამომცემლობა

თბილისი. სატირისა და იუმორის ჟურნალი „ნიაზი“. Тбилиси. Сатирико-юмористический журнал „Ниази“. რედაქციის მისამართი: რუსთაველის გამზ. № 42. ტელეფონები: რედაქტორის — 3-76-69, საერთო განყოფილების — 3-10-49.

გამომც. № 19. ზელმოწ. დასაბ. 25.IX-1959 წ. ქალ. ზომა 70×108 1/8, 0,5 ნაბ. ფურც. 1,37. პოლიგრაფკომბინატი „კომუნისტი“, ლენინის ქ. 14.

ავტორებს ხელნაწერები არ უბრუნდებათ. შევ. № 1159. უფ. 07107. ტირ. 40.000.

59-566

ნახ. ნ. მაღალაშვილის

გერმანული
ბიზნისი



566 59.8
9/x

— სიმინდო ველარ დატოეს ბელღებში და სახლში მიაქვს ახლა ჩვენს ბრიგადირს!
— ჰო, ჩვენს ფერმის გამგეს შეპირებია, ჩემი ლომი და შენი სულგუნო.